

Aningaasaliisartunut aamma aningaasalersuisartunut qularnaveeqqusiisarnermik aningaasaatit pillugit inatsisip Kalaallit Nunaannut atuutsilernissaa pillugu peqqussutinik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut

(Inuussutissarsiornermut Nukissiuuteqarnermullu Naalakkersuisoq)

Saqqummiussissut

(Inuussutissarsiornermut Nukissiuuteqarnermullu Naalakkersuisoq)

Siullermeerneqarnera

Aningaasanik suliaqarfiusumi Kalaallit Nunaanni inatsisaasut Danmarkimi aamma nunani tamalaani inatsisaasunik tunngaveqarput, minnerunngitsumillu EU-mi malittarisassianik. Kalaallit Nunaanni aningaasaliisarnermi malittarisassiat sorliit atuunneri pillugit, aammalu Kalaallit Nunaanni inatsisaatut nunat tamalaani najoqqutaasunik malittarinninneri pillugit qulartoqalissannginnermik Naalagaaffeqatigiiffimmi aningaasanik suliaqarfiusumi assigiissaartumik inatsisaasut qularnaarissapput.

Tamakkuninnga tunngaveqarlutik aningaasalersuineramik ingerlataqarneq pillugu inatsisip nutarsarneranut tunngasumik, kiisalu aningaasalersuisarnermi suliffiit ilaasa allatut ilusilersornissaat atorunnaarsinnissaallu pillugu Kalaallit Nunaannut inatsit nr. 333, 31. marts 2015-imeersup atuutsilernissaanut tunngasunik Naalakkersuisut aalajangiiffigisassatut siunnersuummik matuminnga saqqummiussaqrput.

Akiligassarsisitsisarfinnut aningaasaliisarnermillu ingerlatseqatigiiffinnut pilersitseqqinnerit aamma matusinerit pillugit malitassap (BRRD-p), aamma aningaasalersuisartunut qularnaveeqqusiisarnermik aaqqissuussinerit pillugit malitassap (DGSD-p) piviusunngortinneri.

Peqqussutit allaqqaarnerinik pigineqartunit taakkunanit nunatsinni aningaasaateqarfiit Danmarkimi Qularnaveeqqusiissutitut aningaasaatini (Garantiformuemi) ilaalissapput. Tamanna Danmarkimi 2015-imi juunimili atuutsinneqalersut akiligassarsisitsisarfinnut aningaasaliisarnermillu ingerlatseqatigiiffinnut pilersitseqqinnerit aamma matusinerit pillugit EU-mi malitassami (BRRD-mi), aamma aningaasalersuisartunut qularnaveeqqusiisarnermik aaqqissuussinerit pillugit EU-mi malitassami (DGSD-mi) malittarisassiat Kalaallit Nunaanni piviusunngortinnerisigut pissaaq.

BRRD-mi malitassaq akiliisinnaajunnaarnissamik pinaveersaassaaq, imaluunniit akiliisinnaajunnaartoqarpat kingunerisassat ajornartoortitsisut annikillisisassavai. BRRD-mi malitassaq aqputigalugu aaqqiissut eqqunneqassaaq pisortat sakkussanik tutsuiginartunik atugaqarlutik aningaasanik ingerlatsisoqarfimmut ingerlanerliortumut imaluunniit ajornartoortumut naammaginartumik siusissukkut piaartumillu iliuseqarfiginissaannut periarfis-

saqalissallutik, taamaalilluni aningaasanik ingerlatsisoqarfiup pingaaruteqartutut aningaasalersuineramik aningaasaqarnermillu atuuffinik ingerlatitseqqinnissaq qularnaarneqassamat, tamannalu ilutigalugu aningaasanik ingerlatsisoqarfiup aningaasaqarnermut aamma aningaasalersuinermik aaqquussaqarfimmut ajalusoornrata sunniutai annikillisarneqassallutik.

Taamatut oqaaseqarlunga, aammalu taakkuninnga malittarinnittut peqqussutitut eqikkaanernullu taakkununga siunnersuutunik malittarinnittunik innersuussillunga aalajangiiffigissatut siunnersuut akuerisassanngorlugu inassutigissavara.